

## Peo ea Abrahamama



---

### SABATHA MANTSIBOEA

#### Bakeng sa Boithuto ba Beke Ena Bala:

Ezek. 16:8; Deut. 28:1, 15; Jer. 11:8; Gen. 6:5; Johanne 10:27, 28; Bagal. 3:26-29; Baroma 4:16, 17.

#### Teman'a Khopolo:

“Empa ha e le lona, le moloko o khethiloeng, le baprista le marena, le mofuta o halalalang, le sechaba se ruiloeng, le tle le bolele lithoko tsa ea le bitsitseng lefifing ho le kenya leseling la hae le hlolang” (1 Petrose 2:9).

**T**orotsoaneng e nyenyane, ka letsatsi le leng tšupa-nako festereng ea morekisi oa mabenyanane ea emisa ha nako e le metsotso e lesho metso e mehlano pele ho hora ea leshome. Baahi ba bangata ba ne ba itšetlehile ho eona ho sheba nako. Hoseng hona hoo, banna le basali ba bahoebi ba nyarela ka fesetere ‘me ba bona hore nako ke metsotso e leshome le metso e mehlano pele ho hora ea leshome; bana ba tseleng e lebang sekolong ba ne ba makalletse ho bona hore ba ntse ba na le nako e ngata ea ho bapala le ho lelera. Batho ba bangata ba e-ba morao nakong hoseng hoo ka lebaka la tšupa-nako e le ‘ngoe feela e nyane e ememisitseng ho tsamaea e fesetereng ea morekisi oa mabenyanane.”—C. L. Paddock, *God’s Minutes* (Nashville, TN: Southern Publishing Association, 1965), leq. 244, e alimiloe. Papiso e nepahetseng ha kakang ea ho hloleha ha Iseraele. Jehova o n’ a beile Iseraele “har’ a lichaba” (Ezek. 5:5)—botleng sebakeng se mahareng a likontinente tse tharo (Afrika, Europe, le Asia). Ba ne ba lokela ho ba “tšupa-nako ea semoea” ea lefatše. Leha ho le joalo, Iseraele, joalo ka tšupa-nako ea fesetereng ea morekisi oa mabenyanane, ka tsela e itseng e ile ea emisa. Feela e ne e se ho hlolela ka botlalo; hobane nakong eo, joalo ka kajeno, Molimo o ntse o na le masala a Oona a tšepahalang. Boithuto ba rona bekeng ena bo shebile bao e leng Iseraele ea ‘nete ea Molimo mengoaheng eohle le boikarabello ba bona, ho kenyelletse le ba rona. **Beke ka Bokhutšoanyane:** Ke lipallo li fe tsa selekane tseo Jehova a li etselitseng Iseraele? Li ne li tla le lipheho li fe? Sechaba se ile sa phela ho ea ka lipallo tseo hantle hakae? Ho ne ho etsahala eng ha ba kheloha?

*\*Ithute thuto ea beke ena ho lokisetsa Sabatha sa la 8 Motšeanong.*

## “Holim’ a Lichaba Tsohle. . . .”

“Hobane u sechaba se khethetsoeng Jehova, Molimo oa hao; Jehova, Molimo oa hao, o u khethile hore u be sechaba sa hae sa sebele, har’a[holim’a] lichaba tsohle tse lefatšeng” (Deut. 7:6).

Ha ho potang: Molimo o ne a khethile sechaba sa ba-Heberu ka ho khetholloha hore e tle e be baemeli ba Hae ba khethehileng lefatšeng. Lentsoe le fetoletsoeng e le “khethehile” temaneng e kaholimo, segulah, le ka bolela “thepa ea bohlokoa” kapa “letlotlo le ikhethang.” Ntsha ea bohlokoa e lokelang ho hopoloa, hape, khetho ena e ne e le ketso ea Molimo ka botlalo, ponahatso ea mohau oa Hae. Ha ho na se ileng sa fumanoa ho batho ka bobona hore ba tle ba lokeloe ke mohau ona. Ho ne ho se kamoo ho ka bang le letho, hobane mohau ke ntho e fumanoang e sa lokeloe.

### **Bala Ezekiel 16:8. E thusa joang ho utloisisa khetho ea Molimo ho khetha Iseraele?**

Hobaneng ha Iseraele a ile ea khethoa ke Jehova? Ke thaba e sa utloisiseheng. E ne e le sechaba se senyane se se nang le meetlo e meholo kapa ho hlamatseha. O ne a se na makhabane a khethehileng a ka susumetsang khetho e joalo. Khetho eo e ne e le ketso ea Molimo a ‘notši. . . . Sesosa sa mapomelo sa khetho eo se lutse sephiring sa lerato le halalelang. Empa taba e setseng ke hore Molimo o ne o rata Iseraele ‘me a mo khetha, ka tsela e joalo a phethahatsa tšepiso ea Hae ho baholo-holo. . . . O khethiloe ka lebaka la lerato la Jehova ho eena. O ne a lopollotsoe bokhobeng Egepeta ka ponahatso ea matla a Jehova. Ha a ne a ka utloisisa taba ena hape o ne a ka elleloa hore e ne e le sechaba se halalelang hape e le letlotlo. Tšekamelo e fe kapa e fe ho eena, ha ho le joalo, ea ho nyahlatsa maemo ao a khabane e ne e le sebe se fetelletseng.”—J. A. Thompson, *Deuteronomy* (London: Inter-Varsity Press, 1974), maq. 130, 131. Ho latela leano le halalelang, ba-Iseraele e ne e lokela ho ba moloko oa marena le baprista. Ba ne ba lokela ho ba marena le baprista, batho ba boitšoarole le ba semoea, lefatšeng la bokhopo, ka hore ba ne ba lokela ho hlola lefatše la sebe (Tšen. 20:6). Joao ka baprista, ba ne ba lokela ho atamela ho Molimo ka thapelo, thoriso, le ka sehlabelo. Joalo ka ba-kena-lipakeng maheng a Molimo le bahedene, ba ne ba lokela ho sebeta e le barupeli, baruti, le baporofeta, ‘me ba ne ba lokela ho ba mohlala oa bophelo bo halalelang—Sesupo sa leholimo sa borapeli ba ‘nete.

**Sheba poleloana e temaneng ea kajeno, moo Molimo o reng ba ne ba lokela ho ba “[kaholimo ho batho bohle . . . ba lefatše].” Ka ho lemoha seo lefatše le nkang e le bokhabane ba boikokobetso le kotsi ea boikhohomoso, u nahana temana eo e bolela’ng? ba ne ba lokela ho ba “kaholimo” ho batho bohle joang? Na re ka sebelisa taba eo ho rona, re le kereke, le rona? Joang?**

## Tumellano ea Naha (Gen. 35:12)

Tšepiso ea hore sechaba sa Molimo, Iseraele, se tla fuoa naha, e ile a neoa Abrahamama eaba e phetoa ho Isaaka le Jakobo. Mantsoe a Josefa ha a le makhatheng a lefu a ile a pheta tšepiso ena (Gen. 50:24). Molimo o ile oa tsebisa Abrahamama, leha ho le joalo, hore “lilemo tse makholo a mane” li tla feta pele litlohlo tsa Abrahamama li rua lefatše leo (Gen. 15:13, 16). Phethahatso ea pallo e qalile mehleng ea Moshe le Joshua. Moshoe o ile a pheta taelo e halalelang: “Bonang, ke beile lefatše pel’a lona; kenang, ‘me le rue lefatše leo’ ” (Deut. 1:8).

**Bala Deuteronomya 28:1, 15. Ke eng se boleloang ke mantsoe aa? Ka bokhutšoanyane, ba tla nea lefatše leo e le karolo ea selekane. Selekane se na le maikarabello. Iseraele e ne e na le maikarabello a fe?**

Karolo ea pele ea Deuteronomya 28 e lotomanya litllohonolofatso tseo Iseraele e tla li fumana haeba ba ka latela thato ea Molimo. Karolo e ‘ngoe ea khaolo e bua ka lithohako tse tla ba oela haeba ba sa etse joalo. Lithohako tsena “boholo,” leha e se ka botlalo, li ne li tla tlisoa ke ho lumella sebe ho etsa kamoo se ratang se be se tlise litholoana tsa teng tse mpe. . . . ‘ea jallang nama ea hae, o tla kotula nameng ho bolla’ (Bagal. 6:8). Joalo ka metsi, ao ha a tlohetsoe, a tla phalla a sa emise ho fihlela a fihlile motsitseng; joalo ka tšupa-nako, eo ha e tlohetsoe, e se nang ho emisa ho fihlela e felletsoe; joalo ka sefate, seo ha se tlohetsoe hore se hole, se sa tlo etsa ho fapaneng le ho hlahisa litholoana tsa sona tse loketseng;—ka mokhoa o joalo le sebe se batla moo se ka tsitsang, tsela eo se ka mathang ka eona, tholoana e ka butsoang, ‘me ‘bofelo ba tsona ke lefu’ (Baroma [6:]21).”—*The Pulpit Commentary: Deuteronomy*, H. D. M. Spence and Joseph S. Exell, eds. (Peabody, MA: Hendrickson Publishers, 1890), pok. 3, leq. 439.

Ho sa natse litšepiso tsohle tsa naha, litšepiso tseo kaofela li ne li na le lipheho. Li tlike e le karolo ea selekane. Iseraele e ne e lokela ho phethahatsa boikarabello ba eona tumellanong eo; ha ho se joalo, litšepiso li ne li se na ho phethahatsoa. Jehova o ile a hlakisa, ho feta hanngoe, hore haeba ba kheloha, ba tla amohuoa naha. Bala Levitike 26:27–33. Ho thata ho nahana hore na Jehova o ne a ka totobatsa ho feta mantsoe ao.

**Re le Bakreste, re na le tšepo ea ho fumana le ho rua mafatše a pallo a leholimo le lefatše le lecha. Re a tšepisitsoe, joalo feela ka lefatše la Pallo ho ba-Heberu. Phapano, leha ho le joalo, ke hore hang hoba re fihle teng, ha ho sa tla ba le monyetla oa ho lahlehela ke oona hape. (Dan. 7:18). Empa leha ho le joalo, ho na le lipheho tsa ho re na re fihla joang moo. U utloisisa lipheho tseo e le li fe, haholo moelelong oa pholoho ka tumelo feela?**

## Iseraele le Selekane

“Empa ha ba ka ba utloa, ha ba ka ba sekehela litsebe; ba ‘nile ba tsamaea e mong le e mong bothateng ba pelo e mpe ea hae; eaba moo ke ba hlahliselitseng mantsoe a selekane seo ke neng ke ba laetse hore ba se boloke, ‘me ha ba ka ba se boloka” (Jer. 11:8). Sheba temana e kaholimo. Jehova o re o tla ba hlalisesa “mantsoe a selekane.” Feela o bua ka ntho e mpe! Leha re atisa ho nahana ka selekane e le ntho e re neang se molemo feela, ho na le lehlakore le leng. Tšiea ena e ile ea bonahala ka Noe. Molimo o ile oa nea Noe se babatsehang—polokeho timelong, empa Noe o ne a lokela ho utloa hore a tle a amohela tlhohonolofatso tsa Molimo tsa mohau. Haeba a ne a hloka kutlo, ho ne ho tla etsahala ho fapaneng.

**Bapisa temana e kaholimo le Genese 6:5, mabapi le lefatše la pele ho Moroallo. Li tšoanang ka eng? Litimana tsee li re’ng ka bohlokoa ba ho laola mehopolo ea rona?**

---

---

---

Ka bomalimabe, nalane ea sechaba sa Iseraele, boholo ba eona e ne e le phetako ea bokoenehi, bo lateloang ke kahlolo tsa Molimo, pako, le nako ea kutlo. Ke ha khutšoanyane feela tlas’a Davida le Salomone, ba ileng ba rena holim’a tikoloho eohle ea pallo. Talima litemana tsena tse tsoang ho Jeremia mabapi le bokoenehi ba Iseraele. “Ho itsoe: ekare ha monna a hlala mosali oa hae, ‘me mosali eo a tloha ho eena, a ea nyaloa ke monna e mong, na monna eo a ka boelana le eena? Ha ke re, naha eohle e ka silafala hohle ka ho joalo? Ha e le uena, u ‘nile oa ineela bofele le linyatsi tsa hao tse ngata, ‘me o no u tla boela ho ‘na na? ho bolela Jehova. . . . Ruri, joalo ka mosali ea jang molekane oa hae ka liteme, le ntjele ka liteme, lona, ntlo ea Iseraele, ho bolela Jehova” (Jer. 3:1, 20).

Sena se tlisa taba e ‘ngoe e ileng ea angoa pejana: selekane seo Molimo o se batlang le rona ha se tumellano ea molao feela e hatsetseng ea bahoebi ba babeli bao e mong le e mong a batlang ho tsoa le botleng. Tumellano ea selekane ke boitlamo, bo tiileng le ho halalela joalo ka lenyalo, le leng lebaka leo ka lona Jehova a sebelisang karaburetso eo a e sebelisitseng. Taba ke hore bokoenehi ba Iseraele motso oa bona e ne e se ho hloka kutlo empa e ne e le likamano tse senyehileng mahareng a bona le Jehova, karohano e bakileng ho hloka kutlo hoo qetellong ho ba tliselitseng kotlo.

**Hobaneng ha kamano ea motho ka mong e le bohlokoa ha kaale bophelong ba Bokreste? Hobaneng haeba kamano ea rona le Molimo e sa loka, re leng kotsing ea ho oela sebang le ho kheloheng? Hape, u ka re’ng ho motho ea botsang potso ee: “nka bopa kamano e tebileng, ea lerato joang le Molimo?”**

## Masala

**Ho sa natse bokoenehi bo ipheta-phetang ba Iseraele, likahlolo tsa Molimo, le pako, ke tšepo e fe e fumanehang litemaneng tsee?**

**Isa. 4:3** \_\_\_\_\_

**Mik. 4:6, 7** \_\_\_\_\_

**Sof. 3:12, 13** \_\_\_\_\_

Leha leano la Molimo ka Iseraele ea khale le ile la senngoa ke ho hloka kutlo, ha lea ka la senyeha ka botlalo. Har'a lehola, ho ile ha 'na ha hola lipalesa li se kae. Baporoeta ba bangata ba Testamente ea Khale ba bua ka masala ana a tšepelang, ao Molimo o tla ipokellela ona hore e be sehlopha se ratehang sa lipalesa. Morero oa Molimo ka ho bopa le ho boloka masala a tšepelang e ne ntse e le o tšoanang le bakeng sa Iseraele eohle—ho ba sebelisa e le liselisoa tse halalelang bakeng sa ho tumisa “ khanya ea ka har'a lichaba' ” (Esa. 66:19). Ka mokhoa ona, ba bang ba ne ba tla ikopanya le ba tšepelang ho “rapela Morena, Jehova oa makhotla” (Zak. 14:16). Ka mokhoa o joalo, ho sa natse hore boemo bo mpefetse ha kae, kamehla Jehova o na le batho ba tšepelang bao, ho sa natse bokoenehi har'a sechaba se khethuoeng sa Molimo, , ba bolokileng pitso le khetho ea bona e tiile (2 Pet. 1:10). Ka bokhutšoanyane, hore na sechaba ka botlalo se hloleha ha kae, ho nó nts' o na le ba leakang ho boloka, ka hohle ka moo ba ka khonang, boikarabelo ba bona ba selekane (sheba, mohlala 1 Marena 19:14–18). 'Me leha, mohlomong, ba hlokofoalitsoe hammoho le sechaba ka botlalo (joalo ka kholeho ho tloha naheng), pallo ea ho qetela le ea mapomelo ea selekane e tla ba ea bona, e leng bophelo bo sa feleng.

**Bala Johanne 10:27, 28. Jesu o re'ng moo? Sebelisa mantsoe a Hae, le pallo e ho oona, boemong bo amanang le bokoenehi ba Iseraele ea khale. Mantsoe aa aa thusa ho hlalosa boteng ba masala a tšepelang joang?**

\_\_\_\_\_

\_\_\_\_\_

\_\_\_\_\_

Lelemo tse seng kae tse fetileng, moroetsana e mong o kile a lahla tumelo ea hae ea Bokreste ka botlalo, haholo-holo hobane a ne a nyahamisitsoe ke sebe, bokoenehi, le boikaketsi boo a neng a bo bona kerekeng ea hae ea lehae. “Batho bano e né se Bakreste ba ‘nete,’ a rialo, a sebelisa seo e le lebaka la ho lahla sohle. U ipapisitse le litšiea tsa boithuto ba kajeno, hobaneng ha lebaka la hae le fokola haholo?

## Iseraele ea Khale

Hore na liphoso le ho hloleha ha Iseraele ea khale e bile ho fe, Molimo o n’o so qete ka leano la ho bopa sechaba se tšepelang se tla mo sebeletsa. Hantle-ntle, Testamente ea Khale e ne e shebile pele ha Molimo o tla bopa Iseraele ea moea, sehlopha sa balumeli ba tšepelang, ba-Juda le Balichaba, ba tla tsoela pele ka mosebetsi oa ho ruta evangeli lefatšeng. U amohetsoe kerekeng ea pele.

**Bala Bagalata 3:26–29.**

**1. Pauluse o bua ka pallo e fe temaneng ea 29?**

**2. ke ntlha e fe ea mantlha e etsang motho hore e be mojalefa oa lipallo tsee? (Bagal. 3:26).**

**3. Hobaneng ha Pauluse a hlahlola phapano ea botona le botšehali, bochaba, le maemo sechabeng?**

**4. ho bolela’ng ho ba le “bonngoe ho Kreste”?**

**5. Bala Baroma 4:16, 17. Litemana tsee li re thusa joang ho utloisisa seo Pauluse a se bolelang ho ba-Galata 3:26–29?**

Joalo ka mora oa Abrahamama, Kreste ka tsela e khethehileng, e bile mojalefa oa lipallo tsa selekane. Re ba bana babo Jesu ka kolobetso ‘me ka Eena re neoa tokelo ea ho kenella lipallong tse etselitsong Abrahamama. Ka mokhoa o joalo, tsohle tseo Molimo o li baletseng Abrahamama li fumanoa ho Kreste, ‘me lipallo tseo e ba tsa rona, e seng ka lebaka la bochaba, moloko, kapa botona leha e le botšehali empa ka mohau, oo Molimo o re neang oona ka tumelo. “Neo e neng e fuoa Abrahamama le peo ea hae e ne e sa kenyetsetse lefatše la Kanana feela, empa lefatše lohle. Moapostola o re, , ‘Leha e le pallo ea ho ruta lefatše ka mokhoa oa lefa, ha ea ka ea etsetsoa Abrahamama le litloholo tsa hae ka molao, empa e bile ka ho loka ha tumelo.’ Baroma 4:13. ‘Me Bibe e ruta ka ho hlaka hore lipallo tse etselitsong Abrahamama li ile tsa phethahatsoa ka Kreste. . . . [Balumeli ba fetoha] majalefa a ‘lefa le sa boleng, le se nang sekoli, le sa omelleng’ [1 Petrose 1:4]—lefatše le lopollotsong thohakong ea sebe.”—Ellen G. White, *Patriarchs and Prophets*, leq. 170. Pallo e tla phethahatsoa ka botlalo ha bahalaleli ba phela lefatšeng le lecha kamehla le mehla le Kreste (Dan. 7:27).

## Ho Ithuta Haholoanyane:

Bala Ellen G. White, “Tšimo ea Morara ea Jehova,” maq. 15–22; “Tšepo Bakeng sa Bahedene,” maq. 367–378; le “Ntlo ea Iseraele,” maq. 703–721, ho *Prophets and Kings*. “Ha hona tlhalohanyo e etsoang ka lebaka la bochaba, moloko, kapa maemo, eo Molimo a e elang hloko. Ke Moetsi oa batho bohle. Batho bohle ke lelapa le le leng ka tlhaho, ‘me ba boetse ke ntho e le ‘ngoe ka topollo. Krete o tlile ho thua marako ohle a karohano, ho bula kamore tsohle tsa mapatlelo a tempele, hore motho e mong le e mong a fumane katamelo e lokolohileng ho Molimo. Lerato la Hae le pharalletse, le tibele, le tletse, hoo le fihlellang hohle. Le lopolla tšusumetsong ea Satane ba thetsitsoeng ke eena, le ba behe haufi le terone ea Molimo, terone e potiloeng ke mookoli oa pallo. Ho Krete ha ho mo-Jouda leha e le mo-Gerike, ea lokolohileng kapa ea holehuoeng.” —Ellen G. White, *Prophets and Kings*, maq. 369, 370. Bala 1 Petrose 2:9, 10 ho fumana mabitso a mane ao Petrose a bitsang kereke ka oona. Bongata ba mabitso ana a fumaneha litemaneng tse latelang tsa Testamente ea Khale tse buang ka Iseraele: Exoda 19:6 le Esaia 43:20. Lebitso ka leng le toboketsa eng ka kamano ea kereke le Molimo? (Mohlala, libitso “moloko o khethiloeng” le toboketsa taba ea hore Molimo o khethile kereke ‘me o na le bokamoso bo ikhethang bakeng sa eona.)

## Lipotso tsa Puisano:

1. Iseraeleng ea Khale, baprista ba ne ba etsa mahlabelo a liphoofolo a neng a supa ho Mesia. Joalo ka karolo ea baprista le marena, ke “mahlabelo” a fe ao re lokelang ho a etsa re le litho tsa kereke? (1 Pet. 2:5).
2. Molimo o ile oa arola Iseraele ho lefatše hore e tle e be sechaba se halalelang. Ba ne ba lokela ho arolelana linnete tsa pholoho le lefatše hape. Ke taba e tsoanang le ka kereke kajeno. Ho khonahala ha kae ho arohana le lefatše feela ka eona nako eo re be boemong boo re ka arolelanang evangeli le lefatše? Boiphihlelo ba Iseraele le mohlala oa Jesu li ka re thusa joang ho araba potso ee?
3. Kamehla Molimo o n’o boloka masala Iseraeleng ea khale. Lemoha Elia le masala a neng a le teng mehleng ea hae (1 Marena 19; hlokomela haholo-holo temana ea 18). Hobaneng ha ho le bobebe ho tšepahalla Molimo har’a batho ba lefatše ho feta har’a litho tse koenehang tsa lelapa la kereke ea heno?

**Kakaretso:** Iseraele ea ‘nete ea Molimo (E ka ba pele kapa kamor’a Sefapano) ke Iseraele ea tumelo, batho ba phelang kamanong ea selekane le Eena ka moea. Bao e ba bona baemeli ba Hae, ba tsoaretse lefatše evangeli ea mohau oa hae o pholosang.